



MENTERI KANAN PERTAHANAN
MALAYSIA

KENYATAAN MEDIA

A. EKSESAIS TAMING SARI SIRI 21 TAHUN 2022

1. Hari ini saya menyaksikan pelaksanaan Eksemais TAMING SARI Siri 21 tahun 2022 yang juga merupakan eksemais penembakan misil yang dikendalikan oleh Tentera Laut Diraja Malaysia. Selain itu, ia juga kemuncak kepada *Operational Sea Training Exercise West* (OSTEX WEST) 1/22 yang telah dilaksanakan mulai 16 hingga 20 Mei 2022 melibatkan aset-aset Armada TLDM.
2. Secara keseluruhannya, Eksemais TAMING SARI ini telah melibatkan 1,250 warga TLDM, Tentera Udara Diraja Malaysia (TUDM) dan Agensi Penguatkuasaan Maritim Malaysia (APMM). Manakala daripada sudut aset, ia telah melibatkan 10 buah kapal, 5 buah *Fast Combat Boat* (FCB), 3 pesawat TLDM, 3 pesawat TUDM dan 2 pesawat APMM. Senarai terperinci rujuk **Lampiran A**.
3. Dalam penembakan hari ini, misil EXOCET MM40 telah dilancarkan dari KD LEKIR di perairan Selat Melaka Utara. Tembakan tersebut telah tepat mengenai sasaran yang berada di jarak 20 batu nautika atau 36 kilometer.
4. Kejayaan penembakan misil yang mengenai sasaran ini bukan sahaja membuktikan keupayaan dan kepakaran warga TLDM khususnya dalam mengendalikan aset pertahanan negara, malah turut menyerlahkan kesiapsiagaan TLDM dalam usaha memastikan perairan negara kekal selamat dan berdaulat.
5. Kejayaan penembakan ini turut membuktikan bahawa ATM sentiasa menyelenggara baik peralatan serta senjata sedia ada, termasuklah sistem misil milik TLDM ini, walaupun ia sudah menghampiri penghujung hayatnya. Kesiagaan sistem misil TLDM akan sentiasa berada pada tahap tertinggi dengan penerimaan sistem misil yang baharu sebaik sistem yang sedia ada ini menjadi usang dalam tempoh 2 tahun ini.

B. MINDEF TERUS TUMPU AGENDA DIPLOMASI PERTAHANAN

6. Seperti saya sering tekankan, dalam usaha memelihara keselamatan dan kedaulatan negara serta serantau, salah satu agenda yang amat penting ialah diplomasi pertahanan. Sebab itu, sejak kembali menerajui MINDEF, banyak usaha dan perancangan yang dilaksanakan ke arah mengeratkan lagi hubungan kerjasama pertahanan antara Malaysia dengan rakan-rakan negara.



MENTERI KANAN PERTAHANAN
MALAYSIA

KENYATAAN MEDIA

7. Malah di peringkat TLDM sendiri, agenda diplomasi pertahanan dipandang serius dan dilaksanakan sebaik mungkin. Sepanjang tahun ini sahaja, TLDM telah melaksanakan serta menyertai pelbagai ekksesais *Bilateral* dan *Multilateral* khususnya di perairan Laut China Selatan serta perairan Selat Melaka. Malah ia telah melibatkan banyak negara termasuklah Jerman, Perancis, Australia, China, Indonesia, Jepun, Korea Selatan, Singapura, India, New Zealand, United Kingdom.
8. Antara ekksesais *Bilateral* dan *Multilateral* yang telah dilaksanakan dan disertai oleh TLDM setakat Januari hingga Mei tahun ini ialah:-
 - i. *Passage Exercise (PASSEX)* bersama Tentera Laut Jerman di Perairan Selat Melaka.
 - ii. *Passage Exercise (PASSEX)* bersama Tentera Laut Perancis di Perairan Laut China Selatan.
 - iii. *Passage Exercise (PASSEX)* bersama Tentera Laut DiRaja Australia di Perairan Laut China Selatan.
 - iv. *Cobra Gold 22* bersama Australia, China, Indonesia, Jepun, Korea Selatan dan Singapura di Pattaya, Thailand.
 - v. *Milan 22* bersama Australia, China, Jepun, Korea Selatan, dan Singapura di Visakhapatnam, India .
 - vi. *Bersama SHIELD* bersama Australia, New Zealand, Singapura dan United Kingdom di HQIADS, PU Butterworth dan Laut China Selatan
9. Alhamdulillah, menerusi laporan yang saya terima, ekksesais-ekksesais ini bukan sahaja telah dilaksanakan dengan jayanya, malah mencapai sasaran objektif yang ditetapkan terutama dalam membina kesefahaman dan meningkatkan keupayaan pengoperasian bersama antara TLDM dengan angkatan laut negara-negara luar.
10. Sehubungan itu, saya telah mengarahkan TLDM supaya ekksesais-ekksesais seumpama ini diteruskan secara berkala dan ditambahbaik dari masa ke masa. Ini supaya setiap cabaran keselamatan semasa khususnya dalam konteks perairan dapat difahami dan ditangani dengan sebaik mungkin. Tambahan lagi, ekksesais berkala ini juga berupaya mengukuhkan kemahiran dan kesiapsiagaan warga TLDM serta aset-aset di Zon Maritim Semenanjung Malaysia.
11. Selain itu, ekksesais secara bersama ini juga merupakan salah satu langkah tindakan *show of force* atau memperagakan aset pertahanan maritim secara berterusan. Ia sekaligus akan dapat mengekalkan imej dan penghormatan TLDM di pentas antarabangsa. Ia juga dapat meningkatkan keyakinan komuniti maritim terhadap kemampuan dan komitmen TLDM.
12. Mengambil kira perkara-perkara tersebut, saya ingin maklumkan bahawa TLDM bakal melaksanakan dan menyertai pelbagai lagi ekksesais sehingga hujung tahun ini. Malah, ia bakal melibatkan lebih banyak negara termasuk Amerika Syarikat. Antara ekksesais yang akan dilaksanakan sehingga Disember ialah:



MENTERI KANAN PERTAHANAN
MALAYSIA

KENYATAAN MEDIA

- i. *Rim of The Pacific (RIMPAC)* bersama Australia, New Zealand, Singapura dan United Kingdom di Hawaii dan Selatan California, Amerika Syarikat.
 - ii. *KAKADU 22* bersama Australia, New Zealand, Singapura dan United Kingdom di Perairan Darwin, Australia.
 - iii. *SEACAT 22* bersama Amerika Syarikat dan Negara Asean di Perairan Selat Melaka dan Changi Naval Base, Singapura.
 - iv. *MNE KOMODO 22* bersama Indonesia di Pelabuhan Tanjung Priok, dan Pulau Belitung.
 - v. *SUMAN PROTECTOR 22* bersama Singapura di HQ TRADOC Singapura.
13. Dalam pada itu, TLDM juga akan menghantar kapal KD LEKIR bagi menyertai ekksesais *Rim of the Pacific* atau RIMPAC di Kepulauan Hawaii, Amerika Syarikat pada 29 Jun hingga 4 Ogos 2022. Ekksesais ini merupakan ekksesais maritim terbesar anjuran Tentera Laut Amerika Syarikat. KD LEKIR akan mula belayar dari Tambatan Pangkalan TLDM Lumut pada 30 Mei 2022.
14. Saya ucapkan selamat bertugas kepada anak-anak kapal KD LEKIR dan saya juga doakan semoga sentiasa dipermudahkan urusan penugasan serta selamat pergi dan pulang. InsyaAllah.

YB DATO' SERI HISHAMMUDDIN TUN HUSSEIN
MENTERI KANAN PERTAHANAN
22 MEI 2022



MENTERI KANAN PERTAHANAN
MALAYSIA

KENYATAAN MEDIA

LAMPIRAN A

a. Kapal-kapal TLDM:

- i. KD LEKIR
- ii. KD LEKIU
- iii. KD JEBAT
- iv. KD MAHAWANGSA
- v. KD SRI INDERA SAKTI
- vi. KD LAKSAMANA TUN ABDUL JAMIL
- vii. KD LAKSAMANA HANG NADIM
- viii. KD MAHAMIRU
- ix. KD GEMPITA
- x. KD SERANG

b. Bot:

- i. 5 buah Fast Combat Boat (FCB)

c. Pesawat TLDM:

- i. Super LYNX
- ii. Fennec

d. Pesawat TUDM:

- i. F/A 18D Hornet
- ii. B200T
- iii. Helikopter EC 725

e. Pesawat APMM:

- i. AS365 N3 Dauphin
- ii. AW 139